

REVISION 1

181st Annual General Conference

Priesthood Session Session, April 2, 2011

Potensi Anda, Hak Istimewa Anda

Presiden Dieter F. Uchtdorf

Penasihat Kedua dalam Presidensi Utama

Pada sesuatu masa dulu ada seorang yang impian hidupnya adalah naik kapal pelayaran pesiaran dan berlayar di Laut Mediterranean. Dia berimpi akan makan angin di jalan-jalan di Rom, Athens, dan Istanbul. Dia menabung setiap sen sehingga dia ada cukup untuk belanja perjalanannya. Oleh kerana kewangannya ketat, dia membawa bagasi tambahan penuh dengan tin-tin kacang, kotak-kotak biscuit, dan beg-beg lemonad serbuk, dan itu yang dia makan setiap hari.

Dia memang suka kalau dia dapat terlibat dalam kegiatan yang banyak yang ada di kapal itu—bersenam di gim, main golf, atau berenang di kolam. Dia cemburu akan orang yang pergi tengok wayang, pertunjukkan lain, dan persembahan budaya. Dan betapa dia ingin merasa makanan yang begitu elok yang dia lihat di kapal—setiap hidangan kelihatan seperti kenduri. Tetapi dia ingin belanja begitu murah sehingga dia tidak terlibat dalam apa-apa dari kegiatan ini. Dia mampu melihat kota-kota yang telah dia impikan, tetapi untuk kebanyakan dari perjalanannya dia tinggal dalam kabinnya dan makan makanannya yang sederhana.

Pada hari terakhir pelayarannya, seorang anak kapal bertanya kepada dia yang mana dari majlis-majlis perpisahan dia akan hadir. Pada waktu itu dia menyedari bahawa bukan sahaja majlis perpisahan tetapi hampir semuanya yang ada di kapal itu—makanannya, hiburannya, semua kegiatan—dibayar dalam harga tiketnya. Terlambat dia menyedari bahawa dia telah hidup jauh di bawah haknya.

Soalan yang perumpamaan ini mengemukakan adalah: adakah kita sebagai pemegang imamat hidup dengan kurang daripada hak kita berkaitan dengan kuasa suci, kurnia, dan berkat-berkat yang adalah kesempatan dan hak kita sebahai pemegang imamat Tuhan?

Kemuliaan dan Keagungan Imamat

Kita semua tahu bahawa imamat adalah jauh lebih daripada nama atau gelaran jawatan. Nabi Joseph Smith menajarkan bahawa “Imamat adalah asas abadi, dan wujud dengan Tuhan dari kekekalan... sampai kekekalan, tanpa permulaan hari atau tamat tahun.”¹ Ia memegang “bahkan kunci pengetahuan Tuhan.”² Hakikatnya, melalui imamat “kuasa keilahian dinyatakan.”³

Berkat-berkat keimamatan menjangkau kemampuan kami memahaminya. Pemegang Imamat Melchizedek yang setia dapat menjadi, “umat pilihan Tuhan.”⁴ Mereka “dikuduskan oleh Roh sehingga tubuh mereka diperbarui,”⁵ dan akhirnya menerima “semua yang dimiliki Bapa.”⁶

Walaupun ini susah difahami, ia indah, dan saya bersaksi bahawa ia benar.

Kenyataan bahawa Bapa di Syurga mengamanahkan kuasa dan tanggungjawab ini kepada manusia adalah bukti akan kasih-Nya yang hebat untuk kita dan suatu bayangan akan potensi kita sebagai putera Tuhan setelah kematian.

Walau bagaimanapun, begitu kerap tindakan kita menunjukkan bahawa kita hidup jauh di bawah potensi ini. Apabila disoal mengenai imamat, ramai dari kita dapat melafazkan definisi yang betul, tetapi dalam hidup harian kita mungkin hanya ada sedikit saja bukti bahawa kefahaman kita melampaui tahap pelafazan kosong.

Saudara-saudara kita dihadapi dengan sebuah pilihan. Kita dapat menjadi puas dengan pengalaman yang berkurang sebagai pemegang imamat dan menjadi puas dengan pengalaman jauh kurang daripada hak kita. Atau kita dapat mengenyangkan diri dengan kenduri rohani pada setiap kesempatan yang amat banyak, dan menerima berkat imamat yang sejagat.

Apa dapat kita melakukan untuk hidup seleras dengan potensi kita?

Kata-kata yang tertulis dalam kitab-kitab suci dan diucap di persidangan umum patut, “dipersamakan dengan diri kita,”⁷ bukan hanya dibaca atau didengar saja.⁸ Begitu kerap, kita menghadiri pertemuan dan mengangguk kepada kita; kita mungkin senyum dengan mengetahuinya dan bersetuju. Kita menulis beberapa poin penting, dan kita mungkin ingat, “Itulah sesuatu yang akan saya lakukan.” Tetapi antara mendengarkannya, menuliskannya di fon bimbit, dan melakukannya, suis ‘melakukan’ kita ditukar ke posisi ‘nanti.’ Saudara-saudara, mari memastikan supaya suis ‘melakukan’ kita di posisi ‘sekarang.’

Apabila anda membaca tulisan suci dan mendengarkan firman nabi-nabi dengan semua hati dan fikiran, Tuhan akan memberitahu kamu bagaimana hidup seleras hak istimewa keimamatan anda. Jangan hidup sehari pun tanpa melakukan sesuatu untuk bertindak menurut bisikan Roh.

Pertama: Membaca Buku Pandan Pemilik

Jika anda mempunyai komputer yang paling canggih dan mahal di dunia, adakah anda menggunakannya sebagai hiasan meja saja? Kelihatan komputer itu mungkin mengagumkan. Ia mungkin ada potensi yang hebat. Tetapi hanya apabila kamu menelaah buku panduan pemiliknya, belajar cara menggunakan perisiannya, dan memasangnya, baru kamu dapat menggunakan potensinya yang penuh.

Imamat kudus Tuhan juga ada buku panduan. Mari bertekad membaca kitab-kitab suci dan buku panduan gereja dengan lebih keazaman dan fokus. Mari mulai membaca semula bahagian 20, 84, 107, 121 dari Ajaran dan Perjanjian. Semakin banyak kita mengaji tujuan, potensi, dan penggunaan imamat yang sesuai, semakin banyak kita akan dikagumkan dengan kuasanya, dan Roh akan mengajarkan kita supaya mencapai dan menggunakan kuasa itu untuk memberkati keluarga, komuniti, dan Gereja.

Sebagai sekumpulan orang, kita dengan betul menempatkan keutamaan tinggi pada pembelajaran

duniawi, dan pada perkembangan vokasional. Kita ingin dan mesti cemerlang dalam keserjanaan dan ketukangan. Saya memuji kamu kerana kerana telah berusaha dengan tekun untuk memperoleh pendidikan dan menjadi pakar dalam bidangmu. Saya mengundang kamu untuk juga menjadi pakar dalam ajaran gereja—terutamanya ajaran keimamatan.

Kita hidup pada masa apabila kitab suci dan firman nabi dan rasul zaman kini lebih mudah diperoleh daripada zaman apapun dari sejarah dunia. Walaupun begitu, ia hak istimewa, tugas, dan tanggungjawab kami untuk menjangkau dan menggenggamkan ajaran buku-buku itu. Asas-asas dan ajaran imamat ialah menakjubkan dan ilahi. Semakin kita mengaji ajaran dan potensi, dan menerapkan tujuan imamat yang sesuai, semakin jiwa kita akan berkembang, pemahaman kita akan meluas, dan kita akan melihat apa yang Tuhan merancang untuk kita.

Kedua: Mencari Wahyu dari Roh

Kesaksian yang pasti akan Yesus Kristus dan injil-Nya yang dipulihkan menuntut lebih daripada pengetahuan—ia menuntut wahyu peribadi, ditegaskan melalui penerapan asas injil yang jujur dan berdedikasi. Nabi Joseph Smith menerangkan bahawa imamat ialah “saluran yang melaluinya yang Maha kuasa mulai mendedahkan kemuliaan-Nya pada permulaan penciptaan dunia ini, dan melaluinya telah Dia terus mendedahkan dirinya kepada anak-anak manusia sampai masa sekarang.”⁹

Jika kita tidak ingin menggunakan saluran wahyu ini, kita hidup di bawah hak keimamatan kita. Misalnya, ada orang yang percaya tetapi tidak tahu bahawa mereka percaya. Mereka telah menerima pelbagai macam jawaban dari Roh Kudus selama masa yang lanjut, tetapi kerana ilham ini begitu kecil dan tidak penting, mereka tidak mengenalinya sebagai apa itu sebenarnya. Sebagai akibat, mereka membiarkan keraguan menghalangi mereka dari memenuhi potensi mereka sebagai pemegang imamat.

Wahyu dan kesaksian tidak semestinya datang dengan kekuatan yang amat sangat. Bagi ramai, kesaksian datang dengan perlahan—bahagian demi bahagian. Kadang-kadang ia datang beransur-ansur sehingga susah mengingat masa tepat apabila kita sebenarnya mengetahui bahawa injil benar. Tuhan memberikan kita secara, “garis demi garis, asas demi asas, di sini sedikit, dan di sana sedikit.”¹⁰

Dalam beberapa cara, kesaksian kita seumpama bola saji yang membesar dengan setiap putaran. Kita mulai dengan sedikit saja terang—bahkan kalau setakat ingin percaya. Dengan beransur-ansur, “yang terang memegang pada yang terang,”¹¹ dan “dia yang menerima terang, dan melanjutkan dalam Tuhan, menerima lebih banyak terang; dan terang itu tumbuh makin cemerlang dan makin cemerlang sampai hari yang sempurna,”¹² apabila “kita pada waktu tepat menerima kepenuhan-Nya.”¹³

Pertimbanglah betapa mulia halnya untuk menjangkau lebih lanjut dari batasan duniawi kita sehingga mata pemahaman kita dibukakan dan menerima terang dan pengetahuan dari sumber selestial! Inilah hak istimewa kita dan peluang kita sebagai pemegang imamat untuk mencari wahyu peribadi dan belajar cara mengetahui kebenaran untuk diri kita melalui saksi Roh Kudus yang pasti.

Marilah kita mencari terang ilham peribadi. Marilah kita memohon kepada Tuhan supaya menganugerahkan fikiran dan jiwa kita dengan permulaan iman yang akan membolehkan kita untuk menerima dan mengenali ajaran yang ilahi dari Roh Kudus untuk keadaan kita yang tertentu, cabaran, dan tugas-tugas keimamatan.

Ketiga: Mencari Kebahagiaan dalam Pelayanan Keimamatan

Semasa kerjaya saya sebagai juruterbang, saya ada kesempatan untuk menjadi kepten pemeriksa dan pelatih. Sebahagian tugas ini adalah melatih dan memeriksa pilot-pilot yang berpengalaman untuk memastikan sama ada mereka mempunyai pengetahuan yang perlu untuk memandu kapal terbang yang besar dan hebat dengan selamat.

Saya menemukan bahawa ada juruterbang yang, bahkan setelah banyak tahun memandu kapal terbang, tidak mengalami kehilangan perasaan teruja ketika “naik dari batasan dunia dan menyeberangi langit atas sayap perak yang membawa saya kegembiraan.”¹⁴ Mereka menyayngi bunyi air menderu, bunyi deram dari enjin yang berkuasa, dan perasaan menjadi satu dengan angin dan dengan langit gelap dan bintang-bintang di hadapan.¹⁵ Semangat mereka berjangkit.

Ada beberapa juga yang pada kelihatannya yang ikut terbang saja. Mereka telah menguasai system dan pengendalian kapal terbang, tetapi dalam perjalanan itu kehilangan rasa bahagia dari terbang. “di mana burung lark atau burung helang tidak pernah terbang.”¹⁶ Mereka telah kehilangan rasa kagum pada melihat terbitan matahari yang pijar, pada ciptaan Tuhan ketika mereka menyeberangi laut dan benua. Jika mereka layak menurut syarat rasmi, saya mengesahkan mereka, tetapi juga mengasihani mereka.

Anda mungkin ingin bertanya kepada diri sendiri anda jika kamu tidak setakat ikut saja sebagai seorang pemegang imamat—melakukan apa yang diharapkan tetapi dengan tidak mengalami kebahagiaan yang patut kamu miliki. Memegang imamat memberi kita kesempatan yang amat banyak untuk merasa kebahagiaan yang diungkapkan Ammon: “tidakkah kita memiliki alasan besar untuk bersukacita? . . . kita telah menjadi alat dalam tangan-Nya untuk mengerjakan perkerjaan yang besar dan menakjubkan ini. Oleh kerana itu, marilah kita bermegah. . . di dalam Tuhan; ya kita akan bersukacita.”¹⁷

Saudara-saudara agama kita adalah agama penuh kebahagiaan! Kita paling diberkati untuk memegang imamat Tuhan! Dalam kitab Mazmur kita membaca, “Diberkatilah mereka yang mengenali bunyi yang dirahmati itu: mereka akan jalan, ya Tuhan dalam cahaya-Mu.¹⁸ Kita dapat lebih berbahagia jika kita setakat mencarinya.

Begitu kerap kita tidak mengalami kebahagiaan yang datang dari pelayanan harian imamat yang sesuai. Akan ada masa apabila tugas merasa seperti beban. Saudara-saudara, mari kita tidak mengharungi hidup ini dicelupkan di dalam tindakan ini yang negatif: menjemu, merisau, dan bersungut. Kita hidup di bawah hak istimewa kita apabila kita membiarkan sauh duniawi mencegah kita dari kebahagiaan yang hebat yang datang dari pelayanan keimamatan yang setia, terutamanya di dalam dinding rumah kita sendiri. Kita hidup di bawah hak istimewa kami apabila kita gagal untuk mengenyangkan diri dalam kenduri kegembiraan, kedamaian, dan

kebahagiaan yang Tuhan berikan dengan kelimpahan kepada pelayan imamat yang setia.

Remaja putera, jika datang ke gereja awal untuk menyediakan sakramen merasa lebih seperti kesusahan daripada berkat, saya mengundang kamu untuk berfikir apa maksud tatacara suci ini kepada seorang ahli bahagian anda yang mungkin telah mengalami minggu yang mencabarkan. Saudara-saudara, jika usaha mengajar rumah ke rumah anda tidak nampak berkesan bagi anda, saya mengundang anda untuk melihat dengan mata iman apa satu lawatan dari seorang pelayan Tuhan akan memberi kepada sebuah keluarga yang ada banyak cabaran yang tidak terlihat. Apabila kamu memahami potensi ilahi pelayanan imamat kamu, Roh Tuhan akan memenuhi hati dan fikiranmu; ia akan menerangkan mata dan mukamu.

Sebagai pemegang imamat, semoga kita tidak pernah menjadi begitu tidak berhati perut sehingga tidak terhairan dan merasa kagum dengan apa yang telah Tuhan mengamanahkan kepada kita.

Kata Penutup

Saudara-saudara yang kukasihi, semoga kita mencari dengan tekun supaya belajar ajaran imamat kudus, mari kita menperkuatkan kesaksian kita garis demi garis dengan menerima wahyu dari Roh, dan mari kita mencari kebahagiaan yang sebenar dalam menjalankan pelayanan keimamatan dengan harian. Ketika kita melakukan hal-hal ini, kita akan, “berdaya melakukan segala hal melalui Kristus yang memperkuat kita.”¹⁹

Akan ini saya bersaksi sebagai seorang rasul Tuhan dan tinggalkan berkat saya atasmu dalam nama Yesus Kristus yang kudus, amin.

Senarai

1. Joseph Smith, in *History of the Church*, 3:386.
2. Ajaran dan Perjanjian 84:19.
3. Ajaran dan Perjanjian 84:20.
4. Ajaran dan Perjanjian 84:34.
5. Ajaran dan Perjanjian 84:33.
6. Ajaran dan Perjanjian 84:38.
7. 1 Nefi 19:24
8. Lihat Yakobus 1:22.
9. Joseph Smith, in *History of the Church*, 4:207.
10. 2 Nefi 28:30.
11. Ajaran dan Perjanjian 88:40.
12. Ajaran dan Perjanjian 50:24.
13. Ajaran dan Perjanjian 93:19.
14. John Gillespie Magee Jr., “High Flight,” in Diane Ravitch, ed., *The American Reader: Words That Moved a Nation* (2000), 486.
15. Richard Bach, *Stranger to the Ground* (1963), 9.
16. Magee, “High Flight,” 486.
17. Alma 26:13, 15–16.

18. Mazmur 89:15.

19. Filipi 4:13.